

Xplorasi

RUMAH

Mukmin dan al-Quran berpisah tiada. Apa tidaknya, al-Quran itulah buku panduan untuk kita

hidup berjaya dunia dan akhirat. Berbingang tentang rumah, apa ayat Allah yang terlintas di fikiran, ya? Terdapat lebih 30 ayat yang merakamkan kalimah "rumah". Ada antaranya yang berkaitan secara langsung selebihnya tidak. Berikut beberapa ayat sahaja. Ayuh kita mengeksplorasi firman Allah.

1 Nabi Musa Diperintahkan Bina "Rumah"

وَأَوْحَيْنَا إِلَىٰ مُوسَىٰ وَأَخِيهِ أَنْ تَبَوَّءَ لِقَوْمِكَ مَبْرَأًا وَيُؤْتُوا مَبْرَأًا وَيُؤْتُوا مَبْرَأًا
وَأَقِيمُوا الصَّلَاةَ وَآتُوا الزَّكَاةَ وَارْتَضُوا لِقَوْمِكُمْ فِي مَا بَدَأْتُمْ فِيهَا لَعَلَّكُمْ تَتَّقُونَ

"Kemudian Kami wahyukan kepada Musa serta saudaranya (Harun): 'Hendaklah kamu mendirikan rumah-rumah untuk menempatkan kaum kamu di Mesir; dan jadikanlah rumah kamu tempat solat, kemudian dirikanlah solat dan sampaikanlah berita gembira kepada orang beriman.'" (Yunus 10: 87)

2 Khemah

وَاللَّهُ جَعَلَ لَكُمْ مِنْ بُيُوتِكُمْ سَكَنًا وَجَعَلَ لَكُمْ مِنْ جُلُودِ الْأَنْعَامِ بُيُوتًا
تَسْكُنُونَهَا يَوْمَ طَعْنَكُمْ وَيَوْمَ إِقَامَتِكُمْ

"Allah menjadikan rumah-rumah kamu sebagai tempat tinggal kamu. Dia juga menjadikan untuk kamu daripada kulit ternakan rumah-rumah yang kamu rasa mudah pada hari merantau dan berhenti." (Al-Nahl 16: 80)



3 Tanpa Izin Tidak Boleh Masuk

يَا أَيُّهَا الَّذِينَ آمَنُوا لَا تَدْخُلُوا بُيُوتًا غَيْرَ بُيُوتِكُمْ
حَتَّىٰ تَسْتَأْذِنُوا وَتَسَلِّمُوا عَلَىٰ أَهْلِهَا

"Wahai orang beriman, janganlah kamu masuk ke dalam mana-mana rumah yang bukan rumah kamu, sehingga kamu lebih dahulu meminta izin serta memberi salam kepada ahlinya." (Al-Nur 24: 27)

4 Bak Rumah Lelabah

مَثَلُ الَّذِينَ اتَّخَذُوا مِنْ دُونِ اللَّهِ
أَوْلِيَاءَ كَمَثَلِ الْعَنْكَبُوتِ اتَّخَذَتْ بَيْتًا
وَأِنَّ أَوْهَتَ الْبَيْتِ لَبَيْتٌ لَعَنْكَبُوتٍ لَوْ
كَانُوا يَعْلَمُونَ

"Perumpamaan orang yang menjadikan selain Allah sebagai penanggungnya adalah seperti labah-labah yang membuat rumah (sarang). Padahal rumah yang paling lemah ialah rumah labah-labah, kalaukah mereka mengetahui." (Al-Ankabut 29: 41)



5 Rumah Pertama

إِنَّ أَوَّلَ بَيْتٍ وُضِعَ لِلنَّاسِ لَلَّذِي بِبَكَّةَ مُبَارَكًا وَهُدًى لِلْعَالَمِينَ

"Sesungguhnya rumah yang mula-mula dibina untuk manusia ialah Baitullah yang di Makkah yang berkat dan sebagai petunjuk buat sekalian alam." (Ali 'Imran 3: 96)



6 Cabar Nabi Buat Rumah Dengan Emas Permata


أَوْ يَكُونَ لَكَ بَيْتٌ مِنْ ذَهَبٍ أَوْ تَرْقَىٰ فِي السَّمَاءِ وَلَنْ نُؤْمِنَ لِرَفِيقِكَ

"(Orang kafir berkata): 'Atau engkau boleh ada rumah daripada emas permata, atau engkau terapung-apung ke udara. Kami tidak sekali-kali akan percaya tentang dakwaan kamu naik ke langit.'" (Al-Isra' 17: 93)

7 Pahat Gunung Buat Rumah

وَأَنْذَرُوا إِذْ جَعَلَكُمْ خُلَفَاءَ مِنْ بَدْعَائِهِمْ فِي الْأَرْضِ
تَنْخَدِعُونَ مِنْ سَهُولِهَا فُضُورًا وَتَنْجُونَ الْجِبَالَ بُيُوتًا فَاذْكُرُوا
آلَاءَ اللَّهِ وَلَا تَعْتُوا فِي الْأَرْضِ مُفْسِدِينَ

"Dan kenanglah ketika Allah menjadikan kamu (kaum Thamud) pengganti sesudah kaum 'Ad. Dia sediakan untuk kamu di bumi untuk kamu mendirikan istana-istana di tanahnya yang rata, dan kamu memahat gunung-ganangnya untuk dijadikan rumah. Maka kenanglah nikmat-nikmat Allah itu dan janganlah kamu bermaharajalela melakukan kerosakan di muka bumi." (Al-Araf 7: 74)



7 Rumah di sisi Allah

وَصَرَفَ اللَّهُ مَثَلًا لِلَّذِينَ آمَنُوا أَمْرَاتَ فِرْعَوْنَ
إِذْ قَالَتْ رَبِّ ابْنِ لِي عِنْدَكَ بَيْتًا فِي الْجَنَّةِ وَنَجِّنِي مِنَ
فِرْعَوْنَ وَعَمَلِهِ وَنَجِّنِي مِنَ الْقَوَارِ الْأَثَلِيمِينَ

"Allah mengemukakan satu misalan buat orang beriman dengan perihal isteri Firaun, ketika dia berkata: 'Wahai Tuhanku! Binalah untukku sebuah rumah di sisi-Mu dalam syurga, dan selamatkanlah aku daripada Firaun dan perbuatannya. Selamatkanlah aku daripada kaum yang zalim'" (Al-Tahrim 66: 11)

8 Masuk Rumah Kosong

لَيْسَ عَلَيْكُمْ جُنَاحٌ أَنْ تَدْخُلُوا بُيُوتًا غَيْرَ مَسْكُونَةٍ فِيهَا
مَتَّعَ لَكُمْ


"Tidaklah menjadi salah kamu memasuki (walaupun tanpa izin) mana-mana rumah yang sudah tidak didiami. Padanya kesenangan untuk kamu." (Al-Nur 24: 29)



Housing - General

Pg : 22 - 25 - CIR No 0000274772

> 26 - 27 - CIR No 0000274773



Alhamdulillah Kita Ada Rumah

umah ialah nikmat. Namun tidak ramai yang merasakan begitu melainkan mereka yang tiada atau kehilangan rumah.

Di rumahlah kita berehat daripada kepenatan, berkumpul bersama keluarga dan kenalan, berteduh daripada hujan dan panas serta berlindung daripada bahaya dan khianat.

Di mana lagi tempat kita merasakan kemanisan hidup berkeluarga jika bukan di rumah?

Di mana lagi tempat kita mendalami rasa sayang dan terhibur dengan anak-anak jika bukan di rumah?

Di mana lagi tempat kita merasai kemesraan dengan adik-beradik mahupun teman-teman jika bukan di rumah?

Dan jika bukan di rumah, di mana lagi jika dapat bangun solat Subuh, Isyak dan qiamullail sambil merasai manisnya mengadu kepada Allah?

Rumah ialah antara nikmat Allah terbesar. Allah sendiri mengingatkan: "Allah menjadikan rumah-rumah sebagai tempat bertenang untuk kamu." (*Al-Nahl* 16: 80)

Namun tidak semua merasakan begitu.

Sebaliknya ramai yang mengeluh. Wallah orang yang tidak bersyukur jiwanya sempit. Maka dia akan merasai sempitnya kehidupan. Duit yang banyak

dirasakan tidak cukup-cukup. Dikelilingi kemudahan pun masih dirasakan payah. Apa lagi rumahnya yang luas pun pasti dirasakan sempit.

Dalam kita mengeluh setiap kali membayar duit rumah, ada orang yang bersyukur sungguh tatkala temui kaki lima kosong untuk bermalam.

Dalam kita sudah muak dengan meja makan dan sofa lama, mereka cukup sayang dengan kotak dan surat khabar, disimpannya baik-baik supaya boleh dijadikan tilam pada malam nanti.

Dalam kita rasa terganggu dengan kebisingan anak-anak dan leteran isteri mahupun suami, ada orang merintih jiwa untuk kembali ke sisi keluarga. Antara mereka ada yang terpenjara, ada yang menjadi pelarian dan ada yang bekerja di tempat orang.

Luas-sempit atau selesa-rimasnya sesebuah rumah bukan hanya berkaitan keadaan fizikalnya. Sering kali hal ini berkaitan selesa atau rimasnya si penghuni rumah dengan Allah. Orang yang bersyukur pasti merasakan rumahnya luas walaupun rumahnya tidaklah sebesar mana.

Jiwanya luas. Maka luaslah dirasakan kehidupannya. "Alhamdulillah, saya ada rumah." ❏

Meriah dengan bacaan al-Quran

"Janganlah kamu menjadikan rumah kamu bak perkuburan. Sesungguhnya syaitan menjauhi rumah yang dibaca di dalamnya surah al-Baqarah."

(Riwayat Muslim)

Meriah dengan solat

"Hendaklah kamu solat di rumah. Sesungguhnya sebaik-baik solat seseorang ialah di rumah melainkan solat fardu."

(Riwayat al-Bukhari)

Menyeronokkan

Rumah Mukmin ceria. Ada senda gurau sesama keluarga. Kalau dengan orang luar, kita bermanis mulut, maka dengan ahli keluarga lebih patut.

Suasana kasih sayang

Ahli keluarga dirasakan sebagai penyejuk mata, penghibur hati. "Wahai Tuhan kami, kurnialah pasangan dan keturunan kami sebagai penyejuk mata."

(*Al-Furqan* 25: 74)

Meriah dengan salam

"Maka apabila kamu hendak memasuki rumah, berilah salam sesama kamu sebagai satu aluan daripada Tuhan kamu yang berkat lagi baik."

(*Al-Nur* 24: 61)

Meriah dengan zikrullah

"Perbandingan antara rumah yang di dalamnya Allah diingati dengan rumah yang Allah tidak diingati langsung adalah sama seperti perbandingan orang hidup dengan yang mati!"

(Riwayat Muslim)

Selamat

Rasulullah berpesan: "Jangan kamu membiarkan api menyala di dalam rumah kamu ketika kamu tidur."

(Riwayat al-Bukhari)

Bersih

"Sesungguhnya Allah Baik, suka akan kebaikan. Bersih, suka akan kebersihan. Mulia, suka akan kemuliaan. Pemurah, suka akan sikap pemurah. Maka bersihkan halaman rumah kamu."

(Riwayat al-Tirmizi)

Cantik

Nabi ditanya: "Bagaimana dengan seseorang yang suka bajunya cantik-cantik, kasutnya cantik-cantik?" Nabi menjelaskan: "Sesungguhnya Allah cantik dan suka akan kecantikan."

(Riwayat Muslim)

Aurat Terjaga

Atha' bertanya kepada Ibn Abbas: "Dua orang adik perempuanku itu duduk di rumahku, akulah yang menjaga dan menanggungnya, lalu adakah tetap aku perlu meminta izin?"

"Ya!" Lalu Ibn Abbas menyambung: "Adakah kamu suka melihat mereka telanjang?"

